

梅亭四六標準

十九卷

内閣文庫			
函架	冊	一七四三號	特四十二類
		一	漢書

合

内閣文庫			
番號	漢	11742	
冊數		19 (10)	
函號		3	5



国立公文書館
National Archives of Japan

原本の文字など不明瞭な個所があります。

梅亭先生四六標準卷之十九

新宮城書以藏

六院

代回史文思

彌忠

率其屬以衛功慙於戶位簡乃僚而剡奏幸甚得
賢公義宜然私謝何也恭惟某官早收名第晚步
選階鵠鶴在原因不私詔王之爵祿鴻鴈于野寧
當廢治世之羽儀茲聯事之偶同難見善而不舉
惟是四六之惠則貽方寸之慙某非曰納交聊復
借重子若無言幾失子幸暮取之拔尤君家所有
更贈君無歲寒而易葉

代回黃文思燾

共工率屬獲陪鄉曲之英應格薦賢實致邦家之
勛是為公舉何以謝為恭惟某官早決科名久淹
選調學深純而有本氣穩重而不浮久矣卜鄰欠
李邕之識面偶然結綬勤貢禹之彈冠何愛一鷄
之章少效匹雛之刀名節皎日富貴浮雲願無忘
激昂之言庶不孤期待之意某不善為斷兆足以
行偶成一簣之山亦持自賀切玩連編之月却愧
所蒙

代回王文思自適

聯事為僚見賢當舉同年有子相識已深輒剡檮
於公車豈收恩於私室恭惟某官世濟其美父教
之忠不謂二十年之間未脫六七階之選聊為破
白何必謝青某老矣斷輪味於推轂奏記誓報非
所望於高明處事律身願不孤於題品

代回趙文思師稟

率屬共工已愧薦賢之不武陳篇奏記更勤博我
之以文恭惟某官天泚其清人門具美轅駒奏步
自是千里之音方鳩僇功未脫七階之選察其實
歷當以名聞某不勝匹雛濫長五雉同官為僚之

義固已盡心為善最樂之功更期勉力

代回彭文思

耕

五雉為工正甚幸為僚雙魚有尺書先勤委贄恭
惟某官崇蘭流馥喬木故家在梓匠輪輿亦足以
試有準繩規矩何患無成所恐出入如相避然莫
助左右為先容也某濫茲攝長行矣告休聞弦賞
音已認相求之意留渴待飲所望見察以情

代回龔生院

堪

疇庸外轄服采中朝乃積乃倉乃糧久勤回謁如
絲如綸如紉盍賴主張恭惟某官學本家傳美由

世濟永邑翼翼恬於風月之分江漢浮浮裕此丘
山之積進掌四司之告出專一札之文諒不俟駕
而行必有勿藥之喜某淒其翫麟久此蹢躅已騰
二直去之章足以行矣猶及再相別而去願不幸哉

代回万俟檢院

伯

渙奉明綸晉司理甄導人使諫聖上寶千載之逢
命汝納言堂下無萬里之隔恭惟某官世濟其美
德浮于言練詳臺閣之儀服襲廟堂之學積勞于
外益閱其中果騰列剡之章入掌四方之牘生且嘉
謀于右應無不得其言下膏澤於民亦有無窮之

聞某未遑燕賀先辱魚牋驅飛廉而寄聲恍已迷
於昨夢排闥闔而披腹猶有望於朝陽

代回新監文思院門史從政

孫忠

分職率屬疇若予工同官爲寮徒得君重貽書寵
甚陳義曄然恭惟某官氣節雄深詞華炳蔚丹穴
五色皆鳴孤竹之聲青雲共登已正三槐之面居
然歛板獨此抱關漢相不以兄故私未妨緩步史
魚直哉邦有道願接芳塵某爲長於斯懷歸久矣
或論道或審曲等是王官非邀譽非納交願成晚
器

架閣

代回吳架閣

柔勝

起自珍祠入司故府人登龍斷孰知靜退之風公
不蠅營宜有登崇之命恭惟某官器資莊裕德履
淑均讀數萬言信一第之直溷子閱三十載猶屢
薦而不入官茲回香火之功名來主文書之凡閣
假途數月發軔九衢某有幸協恭先勤遣記匪我
言耄實慚堂下之斷輪及爾同寮知兔袖間之縮
手

代回薛架閣

君用

漢奉新編晉司故籍文書盈於几愛莫助之附訪
裝其懷今知免矣恭惟某官河東嶽鳥驚異北麒麟
自中雋於文闈即舒翹於侯泮鳴皋未集豺虎已
多車麟麟馬蕭蕭君誰與守印壘蟲綬若若吾不
徒行宜哉薦揚有此除寵佇憲章之明習即臺閣
之飛騰其甚愧濫巾猥勤街袖居州在宋真足爲
王所之賢夫子却齊願更觀儒者之效

代回曾架閣準

奉一札之新除司兩部之故籍簿書獄訟之事似
屈長材文學禮義之官豈非妙選未繇旅賀猥辱

損牋恭惟某官琴瑟廉溫琮璜秀潤摩空作賦早
呼殿陛之臚重席談經久繫堂堦之馬身纔趨於
幕府名益震于京師朝方虛掌故之真人皆有欲
炙之色下交章而薦襩上弄印以授堯群無留良
衆乃退聽今雖刑清而役簡政湏綱舉而目張几
閣文書何厭數旬之客朝廷翰墨會歸三館之英
某一自識賢數勤委贄引重鼎不程力長恐見笑
於大方旣識路又疾驅敢願益堅於壯履

代回黃架閣

伯劑

漢奉新編晉司故府俎且軍旅之事允藉通材文

學禮義之官曾為妙選恭惟某官蟠書柱腹取第
摘髭祭六龜一同有珞珞球球之氣隨軺萬里無
無刺刺之情流聲實於朝廷主文書於几閣更培
風力會決雲衢某何與推賢過勤委翰投我木李
莫輸論報之情期君蟠桃姑寫願忠之意

梅亭先生四六標準卷之十九

梅亭先生四六標準卷之二十

制帥

賀桂侍郎

如淵

再任制帥

知榮州作

進直奎文借留并絡惟益部刺史之寄在漢已嚴
而瀛洲學士之官至唐尤重備茲異數允在真儒
恭惟某官器博以周材洪而毅文武式萬邦之憲
精神折千里之衝江漢經營早追蹤於羊杜日月
獻納旋接武於夔龍帝念岷峨地連關陝四松候
對中權足壯於前茅尺筭策勲數節可窺於破竹
爰進真學士之職式重大元帥之威河內共借於

寇君襜帷暫駐關中既留於蕭相營壘益堅光增
東壁之圖書權重北門之管鑰式遄來繡歸耀旂
常某乘障雪邊庇身宇下愧涸魚之喁唵隨賀燕
以差池牽牛而奪之牛誰能回幕中之辯御馬而
窮其馬度決非門下之心儻或愛尺寸之膚更幸
貸斗升之水我有二天之飲酒誰敢望於私恩爾
來三月之無益更乞參於公議其爲頌望焉既數稔
賀黃安撫大卿除工部侍郎仍兼安撫制

置副使

渙冊元戎升御起部修車馬備器械夙重小司空

之權闕禮樂崇詩書將正大行臺之任命申重器
驩溢全坤恭惟某官智勇且仁直方而大肝膽鍾
一雙之劍精神峻百丈之峯叔度萬頃之陂世莫
得而澄撓次公重臨之政人轉服其寬明坐令火
井之沈熒真覺雪山之增重敬刑而成三德既平
夏辟之三千事典以治萬民爰長冬官之六十籍
五雉五工之正挽一龜一琴之留當益州疲敝之
秋湏朔方精明之令星辰聽履豈但高法從之班
日月爲常佇滿載元功之籍某承流支郡席比和
門誰其采白露之葭願使轉青天之粟不能者止

未容叱馭而驅之克壯其猶尚倚約軼之率只

賀聶侍郎

子述

除制置

代董侍郎

躋班禹閣宅牧蜀都輟言語侍從之臣盡護諸將
藉文武威風之帥式遏四夷渙號風行坤垠雷動
恭惟某官氣噓海岱胸湛冰霜善刀遊肯綮之間
全牛立解意匠淡經營之表九馬坐空惟其日千
里而有餘是以歲九遷而無慊鸞臺鳳閣積彌縫
輔贊之功螭陛雞翹弘獻納論思之益上矜遠服
中遣近臣弄印無以易堯爰峻西清之職披圖指
以示禹俾圖北伐之功惟真學士象十二月之班

而大府帥總六十州之重獫狁匪茹湏方叔之壯
猷皇帝曰嘻命崇文而奉詔不但洗岷峨之愴又
將蕩秦隴之妖玉壘旣安金甌必啓某五年承乏
百伎已窮賴公爲父老而來許我託子孫之契田
間索粟看即騰新尹之誇門外種瓜便可遂故侯
之隱

賀聶侍郎交割

代董侍郎

涓選剛辰恢張制閫千二百里之邊面威令風行
六十餘郡之人心驩呼雷動恭惟某官秀姿玉峙
炯識冰明鞭霆駕風旣出漢廷臣之右捫參歷井

肯爲蜀父老而來行宣賜於皇靈即蕩搖於戎索
佛狸之死如有數何待來年晉公之雄甲成功應
在今日氣色一新於壁壘勲勞滿載於旂常某從
聞建牙遂可納履催飛將而追驕虜正虞或累於
躍歸鞍而飛賀書猶冀亟諧於邂逅

賀聶制置

子述

庭揚成渙閩制全坤壁府奎圖莫重東頭之學士
參旂并鉞况專西道之行營夷虜膽寒士民心慙
恭惟某官天資弘毅風采浚明精神五兵六丁莫
擬其銳肝膽一劍百壬爭避其鋒策勲自馴雉而

來取官有驅羊之易今之從政容有位隆而道活
公所過人正惟功大而心小茲煩雍橐來牧蜀都
許以金城之便宜盡護玉關之疆場三分籌策小
試渭濱耕戰之謀百二山河行復關中帝王之業
功名留於久遠富貴乃其緒餘某夙累公知何辭
吏役然受敢不敬蚤夜之祝愧乏寸長况讀忍着
主衣裳之詩義難再適况妻病不離於牀簣而男
寒久澁於詩書固知公爾以志私然亦愛之而莫
助某榆枋尺鷁但願通逍遙之遊渤澥雙鳧亦不
計多少之數

賀丁制置交割

紫殿陞班建碧幢而制閫綠綈趣駕滌紅籬以開
藩四履重臨萬井改觀恭惟某官材弘以毅德直
而方所學一本於孔周有言皆合於稷契一堂偃
月勢炙手以絕倫四海倚冰公掉頭而不住四國
于蕃之已久九卿當相以何疑顧自桂林復尋印
竹清獻之琴再鼓當阜民財乖崖之劍重磨足新
軍律中權有資於後勁外攘全賴於內修暫分治
於四封即盡護於諸將先聲誕播和氣交騰雪嶺
之白界天公來則重騎火之紅照夜王曰遄歸某

乘傳無堪代庖非據崇詩書閱禮樂祈逢元帥之
鼎來封府庫籍吏民敬待將軍而解去

通董制置

君誼

十乘啓行旣孤剡牘三年過隙又玷招羅曾微曉
暢之才可荅頻煩之顧疾驅行李往役前茅伏念
某學餒而材蕪氣凋而力腐少年妄意頗壞竹帛
之功名半世拙謀未了布韋之事業強爲祿仕直
坐飢驅諸公貴人間欲出其門下古來此物自當
弃之道旁獨銜國士之知積愧文人之厚因同品
而薦嚴助自古有之未下車而辟慈明此恩異其

窮人命薄中道憂歸勞心博博鑽火頓驚於三鰲
逕官袞袞刺天難附於羣飛止或尼之會且歸矣
駭置郵之有命仍尊選以見招惟兩喜多溢美之
言故再鼓回愈淡之聽奏函朝徹俞旨夕頒苟文
若之不進不休今寧愧古閔仲叔之且喜且懼寵
實若驚茲蓋伏遇某官以社稷臣爲詩書帥留秦
階台符之步撫坤垠井絡之民去來關雪山之重
輕出入係蜀道之難易公鎮踰歲月共期裴相之
來歸小隊出郊垆復喜嚴公之再駐羣彥固多於
集幙匹夫猶耻於納溝龜放長江使認重來之路

燕尋故壘復窺新捲之簾豈但顯不遺故舊之仁
亦足占雜進巧拙之量某敢不循其頂踵銘在肺
肝謹無負有志斯世之將仍每守圖利大夫之戒
忽騎將軍馬難希處士之壯懷真釣錦江魚敢學
拾遺之懶性

通制帥安大資

丙

代董制帥作

筆索贅貧濫竊郡符之寵鞞刀執禮行依制閫之
尊瞻中權勁後之威修小侯事大之敬輒裁柔櫜
仰溷高牙恭惟某官直大以方清和而任凜然忠
貫於日月巍乎義薄於雲天左袒以呼作熊羆不

二之士左顧而跼收麒麟第一之功皇咨耆定之
勲冊命保釐之寄盡護諸將外撫四夷料天驕之
必亡諒風寒之宜護蕭何全關中以鎮撫西顧何
憂周公有天下之勲勞東歸孔邇佇由節斧徑秉
鈞樞立非常之功待非常之人剩光竹帛建無窮
之基有無窮之聞蒲載旂常某承學無竒立朝何
補二螭載筆初無紀述之長五雉貳卿非有論思
之益誤蒙一札假守三刀不辭捫歷之艱但切震
凌之懼欲具宣於上意正有託於下風望太白橫
岷峨惟切高山之仰止詣大府受約束更希陰雨
而膏之

代回成都黃待制

峙若

輟賢禁甬作鎮少城周家地官方賴小司徒之貳
益州天府遽勤大元帥之行戾止高牙屹然方面
恭惟某官靖恭而肅括膚敏而䟽通生寶劔之故
墟地靈人傑接金華之宗派玉潔日光自策名躔
徧儀要路厭承明勞侍從久陪上雍之祠望太白
橫峨岷爰馳諭蜀之檄擁元戎之小隊布方國之
細書火井沉熒雪山增重考西鄰之近比歸秉左
鈞况東極之深知可操右契某老不得謝命作納

言慕幾兩幾駟之榮會且歸矣望一琴一龜之出行或使之

代回成都吳制置

獮

裁一箋而起敬未宣摧謝之私疊累幅以鳴謙仍拜駢章之寵施輕報重虛往實來佩故舊之高情發衰遲之深愧恭惟某官知推人傑學覺天民屹偉績於控荆蔚竒動於諭蜀凜然趙清獻之氣節行以張忠定之規模撫五十四州之軍民瘡痍帖泰壯一百八盤之門戶氣色晶明雪山之重旣多沙堤之築非遠某不堪視蔭復此綴班無以公歸

或一見而後去豈惟我賀亦衆目之具瞻

代回李制帥

大東

疇庸帥閫升鎮制垣犀甲熊旂名在江淮之草木麟符魚鑰光通河洛之圖書甚愜師言可爲國賀恭惟某官材由世濟學與古稽自其不卑於小官人知將降之大任故國非喬木之謂夙盤仙李之根今人莫棠棣之如皆近宮槐之影雅聞偉望尤抱長材游分半虎之符妙落全牛之刃風寒數處人物渺然固封守以畫郊圻徒得君重訖外庸而承輔無以公歸某濫守洪都密依廣廈落霞秋水

漸欲尋吳會之舟暮日春天安得對江東之酒

代董侍郎回京湖趙制置

方

分閫罔功濫叨奎召循墻俟命敢辱賀緘願蒙一
介之專遠畀雙鱗之重卷還有覲冒受何居恭惟
某官以社稷臣爲詩書帥細糧廣廈應接武於夔
龍緩帶輕裘卽近蹤於羊杜一賢制勝萬里折衝
天子遣趙將軍真得破羌之策路人問霍去病行
收絕漠之勲功名剩跨於數公同書竹帛步武徑
躋於兩社歸勒鼎勲某守蜀非才擒胡不力以此
衆戰無可奏之虜公不自意全亦粗殲於羣醜尚
欲決焚舟之戰乃不容俟駕而行已貢天牋願省
愆於田里尚依雲苙得佚老於林泉

回趙副帥

亥叻

守偏城而惕日無以喻人使一道以觀風何爲至
我方茲躋地志在回天敢圖副元帥之尊先畀小
行人之問恭惟某官篤誠而明允剛直而忱恂無
鳳笙龍管之豪奢有麟趾兔罝之信厚文王之昭
周人之祚固多千里之駒河間之略江夏之功罕
露一斑之豹獨公慷慨同國戚休星紀一周未皇
皇而莫枕風寒數處屹在在之長城寸心如丹百

鍊愈白四郊多壘未容尋鷗鷺之閑三才重乃且
並揔貔貅之旅峴山既捷泗水來歸不十日至長
安會有官軍見威儀之喜用丸泥封函谷無以賊
虜遺君父之憂惟國爾忘家主爾忘身則男子當
戰女子當運黃河以南行皆晉土自陝而東是在
周公其愛莫助之遐不謂矣木牛流馬敢辟轉粟
以上天挑蟲并蜂但願徹桑於未雨

經略

代回廣西李經略

說

代何月湖

小司寇之持平躡陞五雉大府帥之委重遠寄雙
魚懷感有之寘懷無所恭惟某官名高斗北惠蒲
天南槃槃都會之雄庶邦君之奔走英英文武之
特一號令而精明公無遐心民可吐氣某斷輪旣
老整履已晡宜人獨桂林遙想玉筮之碧忍渴望
梅嶺願調金鉉之黃

代回廣西李經略

說

荷囊輟直桂筦分符靴刀列郡之迎古稱大府孺

三十九
袴萬家之喜今在細侯仁氣南驅善聲東迤恭惟
某官通材治劇厚德鎮浮財貨本末源流早振地
官之職侍從論思獻納晚深天宸之知遽厭承明
之廬歸拜散人之號時方多事公未可閑謀帥須
賢起家甚寵若衛公之鎮撫九十六郡與襲志之
都督二十八年能安越人莫非李姓宜其苗裔復
此蕃宣顧恐青羅碧玉之江山難駐黃閣紫樞之
步武某龍鍾已久燕賀無由夔府竹枝之歌既成
昨夢漢節梅花之句願寄故人

代回廣西李經略

說

价藩報政秘殿升班八桂不曰炎荒固號登僊之
勝四松取之熱撰殆非寄祿之常帝綍渙孚帥符
鼎重恭惟某官材全業鉅器博聲宏厭直承明之
廬作牧始安之徵玉簪羅帶江山分一半之天金
節油幢庭戶行千里之地果臻帝璽進屯宸奎河
洛圖書之淵榮光上燭嶺海輦轂之治和氣旁行
會見出綸又迎歸袞某無由旅賀猥辱搗謙誦大
古而歌散人吾事濟矣去上天而辭宰相公自計
之

圖書

六庫

梅亭先生四六標準卷之二十

圖書

六庫

月

